

Julisa Boekhoudt Reina y Jonathan Croes Rey di Dande 2019

ORANJESTAD - Diasabra anochi a tuma luga e Festival di Dande na Club Caiquetio cual a ser organisa pa Harry Croes pa 47 aña consecutivo.

Julisa Boekhoudt a bira Reina di Dande y nos Rey di Dande ta Jonathan Croes cu nan bunita presentacion. Un palabra di pabien tambe ta bay na e ganadonan di

Grupo Tipico, Dande Dama y Cabayero, Dande Propio Composicion y na e baluartenan di Dande cu a ricibi un reconocimiento fo'i di Harry Croes. Minister Maduro ta felicita y gradici tur participante cu ta engrandecé e festival y ta gradici sr. Harry, sra Jessica y full e team cu ta brinda tarima na nos tradicion di Fin di Aña, Dande. Ay Nobe!

